

Broj: 11-11/5-1988-8/25
Sarajevo, 08.10.2025. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog stalne Komisije za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovane Rješenjem, broj: 11-04/3-898/25 od 25.03.2025. godine, federalni ministar poljoprivrede, vodoprivrede i šumarstva **donosi**

ODLUKU
o poništenju postupka javne nabavke roba –
nabavka kompjuterske opreme

I

Poništava se otvoreni postupak javne nabavke roba – nabavka kompjuterske opreme za potrebe Federalnog ministarstva poljoprivrede, vodoprivrede i šumarstva, evidencijski broj nabavke: 11-11/5-1988-1/25, broj Obavještenja o nabavci sa Portala javnih nabavki: 855-1-1-16-3-14/25 od 03.09.2025. godine, Sažetak obavještenja objavljen u „Službenom glasniku BiH – Oglasnik javne nabavke“, broj: 53/25, jer pristigle ponude ponuđača „INTER-COM“ d.o.o. Zenica i „Konica Minolta poslovna rješenja BH“ d.o.o. Sarajevo nisu prihvatljive.

II

Odluka stupa na snagu danom donošenja i objaviti će se na web stranici Federalnog ministarstva poljoprivrede, vodoprivrede i šumarstva, u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 11-11/5-1988/25 od 28.08.2025. godine. Javna nabavka provedena je putem otvorenog postupka. Procijenjena vrijednost javne nabavke iznosila je 15.380,00 KM bez PDV-a i predviđena je Planom javnih nabavki za 2025. godinu Ministarstva, dio Robe, pod rednim brojem 17. – Nabavka kompjuterske opreme. Obavijest o nabavci, broj: 855-1-1-16-3-14/25 poslana je na objavu 03.09.2025. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavi objavljen je u „Službenom glasniku BiH – Oglasnik javne nabave“, broj: 53/25. Tendersku dokumentaciju preuzelo je 35 privrednih subjekata, a 2 ponuđača su dostavila ponude u predmetnom postupku nabavke. Ponude su dostavljene

blagovremeno od strane ponuđača "INTER-COM" d.o.o. Zenica i "Konica Minolta poslovna rješenja BH" d.o.o. Sarajevo.

Stalna Komisija za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovana Rješenjem, broj: 11-04/3-898/25 od 25.03.2025. godine, izvršila je pregled i evaluaciju pristiglih ponuda, te konstatovala da pristigle ponude ponuđača nisu prihvatljive.

Ponuda ponuđača "INTER-COM" d.o.o. Zenica, sa registriranim sjedištem u Zenici, ID broj: 4218087760006 ocijenjena je neprihvatljivom i nepravilnom iz sljedećih razloga: U Tenderskoj dokumentaciji Ugovornog organa u Aneksu 3 – Obrazac za cijenu ponude – robe, dio Napomene, u tački 9. propisano je: „9. *Ponuđač je obavezan ponuditi i isporučiti novu i nekorištenu robu, što se dokazuje Izjavom proizvođača ili ovlaštenog distributera robe, naslovljenu na ponuđača opreme i na predmetni postupak nabavke, da je ponuđena oprema nova i nekorištena, sa spiskom ovlaštenih servisa na teritoriji Bosne i Hercegovine.*” Pregledom ponude ponuđača "INTER-COM" d.o.o. Zenica, konstatovano je da ponuđač nije dostavio Izjavu proizvođača ili ovlaštenog distributera robe, naslovljenu na ponuđača opreme i na predmetni postupak nabavke, da je ponuđena oprema nova i nekorištena, sa spiskom ovlaštenih servisa na teritoriji Bosne i Hercegovine, za robu pod rednim brojem 2. *MFP kolor aparat A3* iz Obrasca za cijenu ponude – robe.

U Tenderskoj dokumentaciji Ugovornog organa u Aneksu 7 – Obrazac izjave o podugovaranju, dio Napomena, propisano je: „*Ponuđač je obavezan u datom Obrascu izjave o podugovaranju – Aneks 7 zaokružiti jednu od ponuđenih opcija, koje se odnose na podugovaranje.*” Pregledom ponude ponuđača, konstatovao je da ponuđač nije zaokružio nijednu od ponuđenih opcija.

Ponuda ponuđača "Konica Minolta poslovna rješenja BH" d.o.o. Sarajevo, sa registriranim sjedištem u Sarajevu, ID broj: 4201294680004 ocijenjena je neprihvatljivom iz sljedećeg razloga: U Tenderskoj dokumentaciji Ugovornog organa u Aneksu 3 – Obrazac za cijenu ponude – robe, dio Napomene, u tački 9. propisano je: „9. *Ponuđač je obavezan ponuditi i isporučiti novu i nekorištenu robu, što se dokazuje Izjavom proizvođača ili ovlaštenog distributera robe, naslovljenu na ponuđača opreme i na predmetni postupak nabavke, da je ponuđena oprema nova i nekorištena, sa spiskom ovlaštenih servisa na teritoriji Bosne i Hercegovine.*” Pregledom ponude ponuđača "Konica Minolta poslovna rješenja BH" d.o.o. Sarajevo, konstatovano je da u Potvrdi koju je ponuđač dostavio, broj: 333/25 od 23.09.2025. godine, izdatoj od strane Comtrade Distribution d.o.o. Sarajevo, nije naveden spisak ovlaštenih servisa na teritoriji Bosne i Hercegovine, za robu pod rednim brojem 1. *Prenosni računar* iz Obrasca za cijenu ponude – robe.

Nakon izvršenog pregleda i evaluacije pristiglih ponuda, Komisija je dostavila federalnom ministru poljoprivrede, vodoprivrede i šumarstva Zapisnik o pregledu i ocjeni ponuda, broj: 11-11/5-1988-7/25 od 07.10.2025. godine zajedno sa Preporukom za donošenje Odluke o poništenju postupka javne nabavke roba – nabavka kompjuterske opreme.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

S obzirom da nijedna ponuda nije prihvatljiva ispunjeni su uvjeti za poništenje predmetnog postupka nabavke, u skladu sa članom 69. stav (2) tačka d) Zakona.


Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke, mogu izjaviti žalbu Uredu za razmatranje žalbi putem Ugovornog organa - Federalnog ministarstva poljoprivrede, vodoprivrede i šumarstva, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Ponuđačima u postupku
- Komisija za javne nabavke
- Sektor za finansije i računovodstvo
- a/a

MINISTAR

Kemal Hrnjic

